



Broj: 01/3-50-3-3-15/21

Veza: 01/3-05-1-1635/21

Sarajevo, 4. 10. 2021.

PRIMLJENO: 26-10-2021			
Organizaciona jedinica	Klasifikaciona oznaka	Redni broj	Broj priloga

B

Z A B I L J E Š K A

s radnog sastanka Komisije za vanjsku trgovinu i carine Predstavničkog doma PSBiH s delegacijom Sejma, na čelu s Rišardom Terleckim, vicemaršalom Sejma Republike Poljske, održanog 4. 10. 2021.

Ambasada Republike Poljske u Sarajevu izrazila je poštovanje i informirala Ministarstvo vanjskih poslova BiH da će gospodin Rišard Terlecki, zamjenik maršala Sejma Republike Poljske, posjetiti Bosnu i Hercegovinu od 3. do 5. oktobra 2021, u pratnji delegacije 3-4 poslanika iz poljskog Sejma.

Kolegij Predstavničkog doma Parlamentarne skupštine BiH na 46. sjednici, održanoj 20. 9. 2021, donio je odluku o realizaciji posjete delegacije Sejma, na čelu s Rišardom Terleckim, zamjenikom maršala Sejma Republike Poljske, u periodu od 3. do 5. 10. 2021.

Planirano je da se tom prilikom delegacija poljskog Sejma, na čelu s gospodinom Terleckim, susretne s predsjedavajućim i članovima Kolegija Predstavničkog doma PSBiH, kao i s predsjedavajućima i članovima Zajedničke komisije za evropske integracije PSBiH, Zajedničke komisije za odbranu i sigurnost BiH i Komisije za vanjsku trgovinu i carine Predstavničkog doma PSBiH.

U ponedjeljak, 4. 10. 2021, s početkom u 12 sati, održan je sastanak članova Komisije za vanjsku trgovinu i carine Predstavničkog doma PSBiH s delegacijom Sejma, na čelu s Rišardom Terleckim, vicemaršalom Sejma Republike Poljske.

Sastanku su prisustvovali sljedeći članovi Komisije: Dragan Bogdanić, predsjedavajući, Mijo Matanović, prvi zamjenik predsjedavajućeg, Edin Mušić, drugi zamjenik predsjedavajućeg, te član Komisije Šemsudin Mehmedović.

Sastanku je prisustvovala i Mirjana Crnjak, sekretarka Komisije, i Enver Bogučanin iz Odjela za informiranje Sektora za odnose s javnošću u Sekretarijatu PSBiH.

Dragan Bogdanić, predsjedavajući Komisije, izrazio je dobrodošlicu visokoj delegaciji poljskog Sejma te im poželio ugodan boravak u Bosni i Hercegovini. Zatim je predstavio članove Komisije koji prisustvuju ovom sastanku.

Predsjedavajući Komisije zahvalio se za dugogodišnju pomoć koju Republika Poljska pruža Bosni i Hercegovini, a naročito je istaknuta pomoć u medicinskim sredstvima za borbu protiv COVID-19 koju je Vlada Republike Poljske u dva navrata donirala našoj zemlji.

Članovi Komisije Šemsudin Mehmedović, Edin Mušić i Mijo Matanović također su poželjeli dobrodošlicu visokoj delegaciji Sejma Republike Poljske i ugodan boravak u Bosni i Hercegovini, istaknuvši da između dvije zemlje postoje prijateljski odnosi bez otvorenih pitanja, ali da postoji mnogo prostora za podizanje nivoa vanjskotrgovinske razmjene, kao i saradnje u oblastima poljoprivrede, turizma, te u oblasti energetskeg sektora. U vezi s tim, posebno su istaknute neiskorištene mogućnosti BiH za razvoj ljetnog, banjskog i vjerskog turizma, kao i za izvoz i proizvodnju električne energije iz obnovljivih izvora energije.

Vicemaršal poljskog Sejma Rišard Terlecki i ostali članovi delegacije zahvalili su se na izraženoj dobrodošlici, ističući činjenicu da je podizanje nivoa privredne saradnje u domenu, prije svega, vlada dvije zemlje, kao i saradnje u oblastima poljoprivrede, turizma, te u oblasti energetskeg sektora.

Zajednički je ocijenjeno da bi razvoj putne infrastrukture i uspostavljanje direktnih aviolinija između BiH i Republike Poljske dodatno olakšao i unaprijedio privrednu saradnju ove dvije zemlje.

Sagovornici su ocijenili da bi intenziviranje parlamentarne saradnje, pogotovo srodnih parlamentarnih komisija, moglo potaknuti predstavnike izvršne vlasti zemalja da tu saradnju učine većom i sadržajnijom.

U tom kontekstu, sagovornici su izrazili potrebu za intenziviranje posjeta i saradnje mješovitih delegacija koje bi činili privrednici, predstavnici srodnih parlamentarnih komisija, te predstavnici izvršne i zakonodavne vlasti dvije zemlje.

Sastanak je završen u 13 sati.

Zabilješku sačinila
sekretarka Komisije

Mirjana Crnjak



Dostaviti:

- članovima KVTCPDPSBiH
- a/a

Predsjedavajući Komisije

Dr. Dragan Bogdanić

